


Biblia para kadagiti Ubbing iparangna

Ti Umuna a Paskua



Sinurat ni: Edward Hughes

Inladawan ni: Janie Forest

Inpatarus ni: Christian Lingua

Inadaptar ni: Lyn Doerksen



Istoria 54 ti 60

www.M1914.org

Bible for Children, PO Box 3, Winnipeg, MB R3C 2G1 Canada
Lisensia: Adda karbengam a magkopia wenno mangiprinta iti
daytoy nga istoria basta saan mo nga ilako daytoy.

Ilocano

Nagtakder ti babai iti
igid ti naringgor a
turod, nakatangad
isuna a kumitkita
iti nakas-ang
a pasamak.
Matmatayen ti
Anakna. Ti ina
ket ni Maria,
ken nakatakder
isuna iti asideg
ti krus a
nakailansaan
ni Jesus.



Kasano a napasamak dagitoy?
Kasano a nadanon ti
napintas a panagbiag ni
Jesus ti kastoy a
pasamak?
Apay ta
pinalubosan
ti Dios a
mailansa
ti Anakna iti krus ken
matay sadiay? Nagkamali
kadi ni Jesus maipapan
iti kinasiasinona?
Napaay kadi
ti Dios?


1

2



Saan! Saan a napaay ti Dios. Saan a nakaaramid iti aniaman a biddut ni Jesus. Ammo ni Jesus a papatayento Isuna dagiti managdakdakes a tattao. Uray pay idi maladaga pay laeng ni Jesus, imbagan ti maysa a lakay nga agnagan iti Simeon ken ni Maria ti ladingit a mapasungad.


3



Sumagmamano nga aldaw sakbay a mapapatay ni Jesus, adda ti babai nga immay ket imbuyatna ti lana a bangbanglo iti sakana. "Agsaysayang isuna iti kuarta," kinuna dagiti adalan. "Nasayaat ti inaramidna," kinuna ni Jesus. "Inaramidna daytoy para iti pannakaitabonko." Anian a nakaskasdaaw a sao!

4

Kalpasan daytoy, ni Judas a maysa kadagiti sangapulo ket dua nga adalan ni Jesus ket immanamong kadagiti panguloen a papadi a liputanna ni Jesus iti gatad a 30 a piraso ti pirak.



5



Idiay fiesta ti Paskua dagiti Judio, nangan ni Jesus a kaduana dagiti adalanna. Imbagana kadakuada dagiti nakaskasdaaw a bambanag maipapan iti Dios ken dagiti karina kadagiti mangay-ayat Kenkuana.

6



Idi kuan nangted ni Jesus iti tinapay ken kopa tapno pagbibingayanda. Pammalagip daytoy kadakuada a ti bagi ken dara ni Jesus ket naited tapno mayeg ti pannakapakawan dagiti basbasol.

7

Idi kuan imbaga ni Jesus kadagiti gagayyemna a maliputanto ken itarayandanto Isuna. "Saankanto pulos nga ibati," kinuna ni Pedro. "Sakbay nga agtaraok ti kawitan, inlibaknakton iti namitlo a daras," kinuna ni Jesus.




8



Iti dayta a rabii, napan nagkararag ni Jesus idia. Minuyongan ti Getsemane. Nakaturrog dagiti adalan a kakaduana. "O Amak," inkararag ni Jesus, "...lumabas koma daytoy a kopa Kaniak. Ngem, saan a ti pagayatak, ti pagayatam ti masurot."


9

Bigla a napan dagiti tattao idia minuyongan, indaulo ni Hudas ida. Saan a limmaban ni Jesus, ngem tinagbat ni Pedro ti lapayag ti maysa a tao. Siuulimek a sinagid ken pinaimbag ni Jesus ti lapayag dayta a tao. Ammo ni Jesus a paset ti pagayatan ti Dios ti pannakatiliwna.



10

Inyapan dagiti tattao ni Jesus iti pagtaengan ti kangatoan a padi. Sadiay, imbaga dagiti papangoloen a Judio a nasken a mapapatay ni Jesus. Nagtakder ni Pedro iti asideg ti inudo dagiti adipen ken nagpaliw isuna.



11

Namitlo a daras a miningmingan dagiti tattao ni Pedro ket kinunada, "Kadua idi ni Jesus!" Namitlo a daras a naglibak ni Pedro, kas iti imbaga ni Jesus nga aramidenna. Nagilunod ken nagsapata pay ni Pedro.




12

TAR-TARA-OK

Iti dayta a kanito, nagtaraok ti kawitan. Kasla timek ti Dios daytoy para ken ni Pedro. Napalalo ti sangit ni Pedro ta nalagipna ti imbaga ni Jesus.




13




Nagbabawi met ni Judas. Ammona nga awan pulos naaramid ni Jesus a basol wenno krimen. Napan insubli ni Judas ti 30 a piraso ti pirak, ngem saan nga awaten dagiti padi. Impurruak ni Judas ti pirak, pimmanaw - ken napan nagbekkel.

14




Inyapan dagiti padi ni Jesus ken ni Pilato a gobernador a Romano. Kinuna ni Pilato, "Awan makitak a biddut daytoy a Tao." Ngem impukpukkaw dagiti tattao, "Ipaylansam Isuna iti krus! Ipaylansam Isuna iti krus!"

15



Idi kuan immanamong ni Pilato, ket sinentensiaanna ni Jesus a matay iti krus. Dinanog dagiti soldado ni Jesus, tinupraanda ti rupana, ken sinaplitda Isuna. Nagaramidda iti korona a sisiit sada impalnek iti ulona. Kalpasanna inlansada Isuna iti kayo a krus tapno matay sadiay.

16



Ammo a siguden ni Jesus a matay Isuna iti kasta a wagas. Ammona met a yeg ti pannakatayna ti pannakapakawan dagiti managbasol nga agtalek

Kenkuana. Adda dua a kriminal a nailansa iti agsumbangir nga abay ni Jesus. Namati ti maysa ken ni Jesus - ket napan idia Paraiso. Saan a namati diay maysa.

17




Kalpasan ti manu nga oras a panagsagaba, inyebkas ni Jesus, "Nalpasen," ket natay. Nalpasen ti aramidna. Intabon Isuna dagiti gagayyemna iti maysa a pribado a tanem.

18



Sinerraan dagiti soldado a Romano ken binantayanda ti tanem. Awan pulos ti makauneg - wenna makaruar.


19



Nu daytoy ti gibus ti pakasaritaan, anian a kas-angna koma. Ngem adda nakaskasdaaw nga inaramid ti Dios. Saan a nagtalinaed a natay ni Jesus!

20

Iti agsapa ti umuna nga aldaw
ti lawas, nasarakan dagiti
dadduma nga adalan ni
Jesus a naitulid ti
bato manipud iti
tanem. Idi
kumitada iti
unegna, awanen
ni Jesus sadiay.




21

Nagbati ti maysa a babai nga
agsangangit idiaiy tanem.
Nagparang ni Jesus
kenkuana! Nagap-apura a
nagsubli isuna ket siraragsak a
nangipadamag kadagiti
dadduma nga adalan.
"NABIAG NI JESUS!



22

Iti saan a mabayag, immay ni Jesus
kadagiti adalan ket impakitana kadakuada
ti nalansaan nga imana. Pudno. NABIAG
MANEN NI JESUS! Pinakawanna ti
panangilibak ni Pedro Kenkuana, ket
imbagana kadagiti adalanna nga ibagada
iti tunggal maysa ti maipapan Kenkuana.
Kalpasanna nagsublin Isuna idiaiy
langit a naggapuanna.



23

Ti Umuna a Paskua

Ti istoria manipud iti Sao ti Dios, ti Biblia

ket masarakan iti

Mateo 26-28, Lucas 22-24,
Juan 13-21

"Mangted iti lawag ti iseserrek ti saom."
Salmo 119:130

24

Ammo ti Dios a nakaaramid tayo
kadagiti dakes a bambanag, nga aw-agawanna
iti basol. i dusa ti basol ket patay.

Ay-ayatennatayo unay ti Dios ta imbaonna ti Anakna,
a ni Jesus, tapno matay idiaiy Krus ken bayadanna ti
dusatayo. Nagungar ni Jesus ken nagsubli idiaiy Langit!
Mabalinen a pakawanen ita ti Dios dagiti basoltayo.

Nu kayatmo a tallikudan dagiti basbasolmo,
ibagam daytoy iti Dios: Apo Dios, mamatiak a natay ni
Jesus para kaniak ket sibibiag manen ita. Umayka kadi iti
biagko ken pakawanem dagiti basolko, tapno maaddaanak iti
baro a biag, ken kalpasanna ket makikaaddaak Kenka
iti agnanayon. Tulungannak nga agbiag para Kenka
kas anakmo. Amen. Juan 3:16

Basaem ti Biblia ken makisaritaka iti Dios iti tunggal aldaw!